

wurden, daz sal Herman von des Kindes weyn unbeschädigt synen hauptgelde uszrichten. Und Herman Mulphort als eyn getruwir vormunde des Kindes hat gereth und globit vor sich und syne \ erbin, daz also unvorbruchlich czu halden an allen eyntag und ane geverde, des czu bekenthnus und mehiner sichirheit haben wir unserir stad secret und gericht ingesigil an dyszen brief vestiklichen laszen hengen. Geben am montag nach Pauli conversionis anno domini etc. Lquinto.

Auch ist nach gebung dicz briefes beteidigt wurden, daz Herman Mulphort syne stiftochtir, dy weile er sulche ire habe ynnen und sie czu elichem leben nicht uszgerichtet hat, mit essen und tringen und tegelichen cleidirn unbeschädigt irem hauptgute besorgen sal und wenne er sy czu elichem leben hingeben wurde, waz er ör denne geferbiter cleidir addir andir czirung czu ir wirtschafft kauffen wurde, sal om an der haupt summe abgehen.

a) über die Zeile geschrieben

1003.

1455 April 9

Bekenntnisse in Geldangelegenheiten.

fol. 186v Lorencz Kessler hat bekanth,^{a)} daz Albrecht Henning, synir swyger, an dem husze, daz er o/er und den kindern abgekauft hat, bezalt hat 11 ß gr, davor er denne eyne were ist. Auch hat Mathis Richter bekanth, daz om Albrecht Henning von synir swiger weyn bezalt hat 10 alde schogk. So hat Wanne bekanth, daz er om auch bezalt hat 6 nuwe schogk. Etiam Lorencz Kessler confessus est, daz er om bezalt hat 3 ½ alte ß. Roleder confessus est, daz er synen swehir bezalt hat 10 nuwe gr. Etiam eynem von Elpogen 7 gr. Etiam Johannes Tretwein confessus est, daz er om bezalt hat 20 gr. Etiam civitati ut supra in registr(is) eor(um). Actum 4^a feria post Pascha anno etc. LV. Etiam der Leszniczirin 1 ß et 12 gr, dy er vor auch bezalt hat.

a) folgt durchgestrichen er

1004.

1455 April 13

Lorenz Storch verkauft einen Garten auf Wiederkauf.

fol. 186v-187r Lorencz Storch hat bekanth, daz er Mathis Morginstern vorkauft habe synen garten, vor dem Frauwinthor an dem graben gelegen, mit dem teiche und allir synir reynung, als er den ynne gehabt und gebrucht hat und gegeben vor 25 ß gr der vorgelagen nuwen wer und sal om bar iczunt daran